

<b>Adroddiad i'r:</b>	<b>Pwyllgor Archwilio Perfformiad</b>
<b>Dyddiad y Cyfarfod:</b>	<b>17 Gorffennaf 2014</b>
<b>Aelod Arweiniol / Swyddog:</b>	<b>Aelod Arweiniol Addysg/Pennaeth Addysg</b>
<b>Awdur yr Adroddiad:</b>	<b>Rheolwr Partneriaethau a Chymunedau</b>
<b>Teitl:</b>	<b>Gweithgarwch cyn arolwg mewn ymateb i Adroddiad Estyn ar ansawdd Gwasanaethau Addysg yr Awdurdod Lleol i blant a phobl ifanc yn Sir Ddinbych.</b>

---

### **1. Am beth mae'r adroddiad yn sôn?**

1.1. Rhoi'r wybodaeth ddiweddaraf am y cynnydd a wnaed mewn ymateb i'r argymhellion a wnaed gan Estyn yn dilyn yr arolygiad yn 2012.

### **2. Beth yw'r rheswm dros wneud yr adroddiad hwn?**

2.1. Darparu gwybodaeth ac ystyried y cynnydd a wnaed yn dilyn yr adroddiad a gyflwynwyd i'r pwyllgor craffu ar 16 Ionawr 2014, mewn ymateb i'r argymhellion a wnaed gan Estyn ar ôl yr arolygiad yn 2012.

### **3. Beth yw'r Argymhellion**

Dylai'r Pwyllgor wneud y canlynol:

3.2 Ystyried y wybodaeth a ddarparwyd a'r sylwadau ar y cynnydd a wnaed hyd yma o ran mynd i'r afael ag argymhellion Estyn; a

3.3 nodi a oes angen monitro gweithrediad y cynllun gweithredu.

### **4. Manylion yr adroddiad**

4.1 Dangosodd prif ganfyddiadau Adroddiad Estyn fod yr Awdurdod Lleol wedi cael 'Da' am y tri chwestiwn allweddol:-

4.1.1 Pa mor dda yw canlyniadau?

4.1.2 Pa mor dda yw darpariaeth?

4.1.3 Pa mor dda yw arweinyddiaeth a rheolaeth?

4.2 Pennwyd 'Da' i'r holl ddangosyddion eraill hefyd, ac eithrio 3.1 'Arweinyddiaeth', y'i pennwyd yn 'Ardderchog'.

4.3 Fodd bynnag, er mwyn gwella ymhellach, mae Estyn yn awgrymu'r canlynol:

4.3.1 **Argymhelliad 1:** Gwella cywirdeb Asesiadau Athrawon ar ddiwedd Cyfnod Allweddol 3;

4.3.2 **Argymhelliad 2:** nodi'r holl wasanaethau i blant a phobl ifanc yn Sir Ddinbych a sefydlu system effeithiol i fesur effaith y gwasanaethau hyn

er mwyn helpu'r Awdurdod a'i bartneriaethau i wybod a yw'r rhain yn cynnig gwerth da am arian.

## 5. Cynnydd yn erbyn Argymhelliad 1

- 5.1 Mae canlyniadau dros dro yn dangos yr aed i'r afael â'r argymhelliad hwn. Y prif ddangosydd yn CA3 yw'r Dangosydd Pwnc Craidd, mae hyn wedi codi am y seithfed flwyddyn yn olynol. Mae'r Dangosydd Pwnc Craidd wedi codi o 75% yn 2013 i 83.3% yn 2014, sef cynnydd o 8.2%.
- 5.2 Ceir cynnydd sylweddol yn Saesneg, Cymraeg, Mathemateg a Gwyddoniaeth o gymharu â 2013. Bu cynnydd hefyd yn y nifer o ddisgyblion sy'n ennill Lefelau uwch 6 a 7 yn 2014 yn y pynciau craidd i gyd.

## 6. Cynnydd yn erbyn Argymhelliad 2

- 6.1 Cynigir dull diwygiedig ar gyfer bodloni'r argymhelliad sy'n ychwanegu at y gwaith mapio a gwblhawyd fel cynllun peilot yn 2012.
- 6.2 Cafodd grŵp tasg a gorffen bach ei gynnull i gynllunio gweithgaredd mapio sy'n mynd rhagddo a chytunwyd ar gynllun gwaith. Mae hyn yn cynnwys y canlynol:
- Gweithwyr leuenctid yn cwblhau 15 o offer mapio pellach yr un (gweler Atodiad 2)
  - Tîm Partneriaethau a Chymunedau i gynnwys gweithgaredd mapio drwy brosiect 'Mynediad i Wasanaethau mewn Ardaloedd Gwledig'
  - Swyddog Allgymorth Gwasanaeth Gwybodaeth i Deuluoedd yn cwblhau offer mapio mewn cyfarfodydd ymgysylltu<sup>7</sup>
  - Cronfa ddata Gwasanaeth Gwybodaeth i Deuluoedd i gael yr holl wybodaeth ddiweddar a dderbynnir
  - Swyddogion Arweiniol i gwrdd yn rheolaidd er mwyn ystyried y themâu a'r ymatebion sydd eu hangen.
- 6.3 Nid yn unig y mae'r dull gweithredu hwn yn cyfateb â naws Argymhelliad Estyn, ond mae hefyd yn cefnogi cyfrifoldebau Diogelu'r Cyngor drwy ddatblygu gwell dealltwriaeth o'r gofynion ar gyfer hyfforddiant ar ddiogelu a rhoi cymorth i grwpiau nad ydynt yn cael eu hariannu'n uniongyrchol nac yn cael cymorth gan y Cyngor.
- 6.4 Cwblheir y gweithgaredd hwn erbyn diwedd mis Rhagfyr a chaiff adolygiad o'r dull gweithredu, ynghyd ag argymhellion ar gyfer mewngorffori'r gwaith i weithgareddau 'busnes fel arfer' eu hystyried gan y Bartneriaeth Plant, Pobl Ifanc a Theuluoedd ym mis Ionawr 2015.

- 6.5 Mae darn o waith pellach yn mynd rhagddi o dan nawdd y Bartneriaeth Plant, Pobl Ifanc a Theuluoedd, sy'n nodi'r holl ddangosyddion perfformiad a'r mesuriadau canlyniad a gaiff eu hadrodd yn ôl o brosiectau, rhaglenni, gwasanaethau a phartneriaethau yn yr ardal hon. Hyd yma, mae dros 400 o ddangosyddion ar wahân a gaiff eu hadrodd yn ôl i Lywodraeth Cymru a thu hwnt. Nod y bartneriaeth yw nodi gwerthusiadau o ganlyniadau a rennir er mwyn gallu cymharu a chyferbynnu'r mentrau, deall yr effaith y maent yn ei gael yn llawn, nodi unrhyw achosion o ddyblygu neu fylchau sydd angen mynd i'r afael â hwy, a chael dealltwriaeth dda o'r gwerth am arian a gaiff ei ddarparu.
- 6.6 Mae Llywodraeth Cymru wedi mynegi awydd i ailwampio'r gwaith o adrodd ar berfformiad ar draws y rhaglenni Gwrthdlodi (Dechrau Da, Teuluoedd yn Gyntaf a Chymunedau yn Gyntaf), ond y dull cyfannol y mae Sir Ddinbych yn ei gymryd yw'r cyntaf o'i fath yng Nghymru; hysbysir Llywodraeth Cymru a rhanddeiliaid eraill o ganlyniadau'r gwaith.

## **7. Sut mae'r penderfyniad yn cyfrannu at y Blaenoriaethau Corfforaethol?**

- 7.1 Gwella perfformiad ym maes addysg ac ansawdd adeiladau ysgolion yw un o flaenoriaethau corfforaethol y Cyngor ar gyfer tymor swyddfa 2012-17. Wrth fonitro'r cynllun gweithredu atodedig, gall y Pwyllgor helpu'r Cyngor i wireddu rhan o'r uchelgais uchod.

## **8. Beth fydd y gost a sut y bydd yn effeithio ar wasanaethau eraill?**

- 8.1. Caiff yr holl gostau a gronnir eu cefnogi gan gyllidebau'r gwasanaeth.

## **9. Beth yw prif gasgliadau'r Asesiad o Effaith ar Gydraddoldeb a wneir ar y penderfyniad? Dylid cynnwys templed o'r Asesiad o Effaith ar Gydraddoldeb fel atodiad i'r adroddiad.**

- 9.1. Diben yr adroddiad yw adolygu ac ystyried cynnydd yn erbyn argymhellion. Felly, nid yw'r adroddiad yn chwilio am ateb mewn ymateb i gynnig. Ni cheir unrhyw effeithiau andwyol ar unrhyw un o'r nodweddion a ddiogelir o ganlyniad i'r adroddiad hwn.

## **10. Pa ymgynghoriadau a gynhaliwyd gan y Pwyllgor Craffu ac eraill?**

- 10.1. Cynhaliwyd ymgynghoriad â Rhanddeiliaid Allweddol.

## **11. Datganiad gan y Prif Swyddog Cyllid**

Rhaid cadw unrhyw gostau sy'n gysylltiedig â rhoi'r argymhellion ar waith o fewn yr adnoddau sydd ar gael

## **12. Beth yw'r risgiau ac a oes unrhyw beth y gallwn ei wneud i'w lleihau?**

- 12.1 Er mwyn lleihau unrhyw risgiau i gefnogaeth ysgolion a her mewn ysgolion Sir Ddinbych, mae Swyddogion Addysg yn yr Awdurdod yn monitro ac yn asesu ansawdd y cymorth rhanbarthol gan GwE.
- 12.2 Mae cyfle i swyddogion sy'n gweithio i'r rhanbarth gryfhau'r broses safoni ar gyfer Aseidiadau Athrawon CA3. Dylai hyn wella ansawdd safoni allanol a sicrhau parhad a chydraddoldeb o ran Aseidiadau Athrawon ledled Gogledd Cymru.

## **13. Pŵer i wneud y Penderfyniad**

- 13.1 Does dim gofynion cyfreithiol, ond mae arolygiadau gan yr Awdurdod Lleol yn orfodol.
- 13.2 Yn unol ag Erthygl 6.3.2 Cyfansoddiad y Cyngor, gall y pwyllgorau archwilio sicrhau y caiff y camau gweithredu a nodir yn y cynlluniau gweithredu eu cynnal.

### **Swyddog Cyswllt:**

Pennaeth Addysg

Ffôn: 01824 708009